

getur, & dum omnia promiscuè persequi conatur, nulli parti ex debito satisfaciat; agite, Auditores Honoratissimi, vitam Christianissimi Principis nostri in tres quasi classes distribuamus. Prima rei privata, seu familiae constitutionem: Altera politicorum negotiorum expeditionem: Ultima Ecclesiae Christi, atq; scholarum tutelam ac conservationem verè paternam ediffertabit. In his tribus, omnem virtutis apparatus consistere, majores nostri sapientissimi gravissimè judicarunt.

Jam si vitam Principis nostri domesticam intentionibus paululum oculis contemplamur, fateri profectò cogimur, nihil in illà inconcinnum, nihil indecorum, nihil incommodum: sed omnia *δὲ γεννιότατος καὶ τὸ τὰ ξίω* ita fuisse instituta, ut aula non aula, sed morum palestra, verèq; in DEUM pietatis Lycèum visa fuerit. Quid enim amore ac concordia conjugali suavius? quid frugali Liberorum educatione fructuosius? quid moderatà ministrorum tractatione, & disciplina paulò severiore utilius? Atqui haec omnia in Principis aula fuere, vigere, florere.

Nam cum Generosissimà Coniuge, etiam nunc superstite relictà viduà, SOPHIA, ex illustri domo Brandenburgicà oriundà, ita quoad communi aurà frui licuit, semper vixit, ut non modò illi, qui aulam tum temporis sectabantur, sed universi etiam subditi haberent, quo delectarentur, quod imitarentur. Nam si ulle uspiam virtutes sunt, vel esse possunt, quae Illustres ac regios de-

cent

